



Pour M. Michel Michéon, Prieur du

Prieuré de la Cochere :

Contre M. Robert Mesnard, frere Iean le Pimpernier son
custodinos, Marin de Monfreart, Pierre Theuart &
Boucheion.



Es parties sont d'accord que le dernier titulaire &
paisible possesseur du Prieuré de la Cochiere, a esté fre-
re Estienne Fouquet : & que ledict Prieuré depend du
Prieuré de S. Barbe en Auge, duquel Mesnard se dict
commendataire.

Michéon en a esté pourueu par la resignation de Fou-
quet *causa permutationis* avec le Prieuré de S. Nicolas des Bois le 11. A-
uril 1582. & a pris la prouision de l'Euesque de Sees au refus du Prieur
de S. Barbe.

Le Pimpernier en est pourueu le 2. de Mars en la mesme année 1582.
iure deuoluto comme vaquant.

Et au mois de Feurier dernier 1584. Mesnard luy a donné vne com-
mission pour le regir & gouverner *tanquam manuale.*

Theuart en est pourueu *per obitum* de Nicolas Fouquet.

Monfreart en est pourueu en Court de Rome le du mois de
en ladicte année 1582. comme vaquant *certo modo & per in-
capacitatem cuiuscumque persona.*

Et Boucheron en est pourueu en la mesme Court le du mois
de *iure deuoluto* par nullité des prouisions de Michéon *per
pactiones illicitas & simoniam.*

Si la prouision de Michéon est bonne, toutes les autres ne valent rié:
d'autant qu'il est pourueu par la resignation de Fouquet, que tous reco-
gnoissent auoir esté le dernier titulaire & paisible possesseur. Elle est en
forme authentique bien & deuëment expedice & infinuee, & consequē-

A



ment bonne, sinon qu'il y eust quelque defectuosité qui peust estre proposée au contraire.

Que le Prieur
ré n'est pas
manuel.

Or pour monstrier qu'il n'y en a point, & que toutes celles que Mesnard propose, tant sous son nom que sous le nom de Pimpennier, ne valent rien: il dict en premier lieu que le Prieuré est manuel, mais de preuve de ceste manualité il n'y en a point.

La Chartre qu'il a produicte pour la verifier, est notoirement faulse: La seule inspection iustifie la faulseté: soit qu'il faille considerer l'écriture ou le parchemin ou le sceau, lequel a esté pris de quelque autre vieux instrument, & rapporté sur ceste faulse Chartre.

Ceste mesme faulseté a esté verifiée par la Chartre veritable, & par trois ou quatre autres anciennes chartres produictes au procez: par lesquelles le conseil verra que sans difficulté elle est faulse, que iamais ledict Prieuré n'a esté fondé pour estre manuel, & qu'au contraire ce qui a esté autorsné a esté *Priori de Cocheria*.

D'ailleurs Micheon pense qu'il y en a preuve au procez secret. Et si il plaist au conseil de considerer qu'en l'année 1565. & 1566. il y eut procez sur ceste pretendue manualité, & que iamais il ne fut parlé de la Chartre, il sera aisé de iuger, que sans difficulté elle est faulse: d'autant que si elle eust esté faicte en ce temps-là, ceux qui maintenoient la manualité, tout ainsi que Mesnard la soustient, n'eussent pas oublié de s'en ayder. Mesnard n'estoit pas encore Prieur de S. Barbe, & n'auoit pas eu la commodité de fabriquer ceste piece.

Et si il plaist au conseil de faire ouvrir le sceau, la faulseté sera encore mieux descouuerte, & le conseil verra que sans difficulté le sceau a esté emprunté d'un autre instrument.

Mesnard se veut excuser de la faulseré sous pretexte de ce qu'il dict qu'il ne s'est pas aydé de la piece, sinon en qualité de Prieur, & avec ses religieux: mais les pieces iustificient qu'il s'en est aydé, qu'il la produicte en sa production, que d'abondant il a déclaré qu'il s'en vouloit ayder, & que *eo nomine* le procez extraordinaire luy a esté faict.

Pimpennier s'en veut aussi excuser: mais il s'en est aydé pardeuant le Lieutenant d'Alençon au siege d'Essay. Sur ceste piece faulse il auoit obtenu iugement de recreance, lequel a esté retracté par arrest du conseil, il la produict encore auourd'huy en ce procez. En ceste qualiré le conseil luy a faict son procez extraordinaire, & partant de s'en excuser il ne peut.

Pour fortifier le faict de ceste pretendue manualité, Mesnard tāt souz son nom que soubs le nom de ses Religieux & dudit Pimpernier, a produict des coppies extraictes de quelques pretendues commission, reuocation & procuration, qu'il appelle attournee, pour ledit Prieuré de la Cochere soubs la cotte C. de la production de Pimpernier, & soubs la cotte N. de sa production: Il a produict le liure auquel elles sont escrites, & pretend par là verifier que ledit Prieuré est manuel, & que les Prieurs de sainte Barbe y ayent commis, donné puissance & procuration pour administrer, & ont reuouqué.

En faisant faire ces coppies, le Sergent de Mesnard a faict vne nouuelle fauseté: d'autant qu'il a fait escrire qu'il les a extraictes sur les originaux, comme si c'estoient pieces authentiques. Voire il se donne bien garde de dire qu'il les eust prises, en certain liure que Mesnard a produict: Et toutesfois luy-mesme descouure la fauseté par la production de ce liure.

In ne faut pas donc s'arrester à ces coppies, comme estans fauses & pleines d'ailleurs d'un grand nombre de deffectuositez. Et contre ce pretendu liure le conseil verra qu'il est composé de diuerses pieces mal à propos. La derniere des pieces escrite au dernier fueillet est de l'an 1432. Et toutesfois il s'en trouue fol. 27. de l'annee 1446. fol. 44. de l'annee 1510. fol. 56. verso de l'annee 1506. fol. 71. il y en y a vn de l'annee 1451. Et en ce mesme dernier fueillet il s'en trouue vn de l'an 1502. Ceste interuersion de dates iustifie que c'est vn liure mal digeré, & qui ne seruoit que d'un brouillard à quelque escriuain apprentis: cōme aussi d'ailleurs il n'a aucune forme d'escriture authentique, & au cas qu'il en eust, Micheon se fust inscrit en faux, & n'eust voulu autre preuue de la fauseté que la consideration des dates.

La lecture descouure que ce sont diuerses coppies les vnes biffées & rayées, & les autres sans date, & en telle forme qu'il est impossible de dire qu'elles ayent esté prises sur vne seule piece autentique.

Encore il a esté falsifié au 9. fueillet, où le commencement a esté effacé & couuert d'une ancre toute fresche. Et au 31. fueillet lon a commencé de changer le nombre des fueillets. Ces fausetez sont oculaires.

D'ailleurs ces pieces ne sont pas commissions, reuocations, ny procurations, ainsi que Mesnard veut persuader contre verité: Ains sont des simples formulaires *sine loco, die & Consule*. Que Mesnard ne scauroit monstrier auoir oncques esté pratiquez ny effectuez, & ex eo tant s'en

faut qu'elles puissent aucunement seruir à Mesnard, qu'au contraire elles seruent à Micheon, pour monstrier que puis qu'elles n'ont point esté pratiquées, c'est vn argument certain & indubitable que le Prieuré de la Cochere n'estoit pas de la qualité pour les y pratiquer.

Outre ces coppies & ce liure remply de brouillards, Mesnard sous la mesme cote C. de la production de Pimpernier, & sous la cote D. de la production qu'il a faicte en son nom, & desdits Religieux, a produict vne piece, qu'il dit estre en vne commission ou procuration de l'an 1497. par laquelle il pretend iustifier que l'administration dudit Prieuré a esté commise à frere Philippe Escousoupe. Mais ceste piece n'est signee ny scellée, voire elle n'a aucune forme d'écriture publique & autentique. Et d'abondant il n'y a point de preuue au procez que ledit Escousoupe en ait oncques iouy ny pris possession. Il se treuve bien par les pieces que Micheon a produites sous la cote M. que frere Landri Escousoupe en a iouy plus de 26. années entieres, & iusques en l'année 1484. Mais que Philippes Escousoupe en ait esté possesseur, *nusquam: ut sit facile de cognoistre*, que ceste piece est supposée & ne vaut rien.

Il est vray que sous la cote E. de la production de Mesnard, il a produict vne piece, pour verifier que par la demission de frere Philippe Escousoupe l'administration de ce Prieuré a esté commise à l'Euesque de Porphire. Mais ceste piece est en aussi mauuaise forme que la precedente, & d'ailleurs ne contient vn seul mot de ceste pretendue dimission, ains porte simplement que l'Euesque de Porphire prenant qualité de Prieur de la Cochere s'oblige de faire vne certaine pension de soixante liures à ses despens. Laquelle pension Escousoupe luy deuoit constituer sur la Prieuré Dosuile. C'est bien loin de la dimission & de la commission pour administrer, que Mesnard s'est imaginée.

Sous la cote G. Mesnard a produict vne piece de l'an 1513. par laquelle il pretend verifier que ledit Euesque de Porphire s'est desmis dudit Prieuré entre les mains du Prieur de sainte Barbe, *idque* en qualité de benefice manuel. Mais ceste piece n'est non plus signee ny scellée, & consequemment ne fait point de foy. Et neantmoins quand elle seroit veritable, que non, elle ne sert de rien: d'autant que s'il estoit ainsi que le Prieuré eust esté reuocable *ad nutum, nihil opus erat dimissionem*, ains eust seulement fallu reuoker. D'autant que les parties sont d'accord, que les Prieurez manuels ne peuuent iamais vaquer *per dimissionem aut resignationem*, ains *per solam reuocationem aut per obitum, ut ait glo. mag.*

in Clem. quia regulares de suppl. neglig. prælat.

Les mots de manuel & autres semblables *nihil inducunt*: d'autant que *sunt enunciatiua*: & que nous tenons pour vne maxime indubitable en termes de droict, que *verba enunciatiua seu narratiua qualitatis nihil inducunt, neque disponunt, nisi de veritate aliter doceatur*. C'est le texte formel in cap. si Popa de priuileg. in 6. si Papa, dict le texte, *in aliquo priuilegio vel scriptura non facta principaliter super donatione vel sententia exemptionis seu etiam libertatis aliquam Ecclesiam ad ius & proprietatem Romana Ecclesie pertinere, vel cōsimilia verba narret, non propterea illius Ecclesie exemptio est probata nisi de libertate aliter doceatur*.

Nous tenons bien que ces paroles enunciatives *faciunt fidem inter contrahentes*, mais en matieres beneficiales, ausquelles nous ne receuons aucunes pactions, contractz ny conuentions, quelques qualitez qui puissent estre aux prouisions, *nihil probatur de qualitate beneficij ex verbis enunciatiuis*, pour vne raison, à laquelle il n'y a point de responce: sçauoir qu'il n'est pas en la puissance de ceux qui parlent, de changer la qualité d'un benefice *quantumuis expresse*: Multominus leur est-il permis de la chāger par des paroles enunciatives qu'ils peuuent mettre en leurs resignations, prouisions & autres actes.

Les collateurs ordinaires ne peuuent changer vn benefice cōuentuel en benefice simple, *nec è contrā*, quand ils auroient eent mil collations *de beneficio simplici*, si le benefice est conuentuel, & qu'il y ait tousiours des moynes, *erronea illa enunciatio nihil operatur*, le Prieuré demeure en sa premiere nature.

S'il estoit aduenu que les predecesseurs d'une famille eussent esté qualifiez de ceste qualité d'escuyer, il y a mil ans, & que neantmoins eux & leurs successeurs fussent de roturiere condition, & eussent esté mis & taxez à la taille ordinairement, il n'y a personne qui voulust dire que ceste vicieuse & faulse qualité leur attribuaist la noblesse qu'ils n'auoient pas, ains au contraire ayant payé comme roturiers, il n'y a celuy qui ne die qu'ils ne doiuent demeurer taillables.

Or en ce faict Micheon iustifie par sa production, que tous ceux qui ont esté pourueuz du Prieuré contencieux, ont iouy depuis deux cens ans non pas comme simples administrateurs, ains comme vrais titulaires: Voire qu'il y en a, lesquels en ont iouy presque trente ans entiers. Et partāt de dire que la simple qualité narree & enuancee en quelques actes, voire en des prouisions, puisse verifier que le Prieuré fust manuel con-

tre la possession de tant d'annees, il n'y a point d'apparence.

La distinction que l'on peut faire, & qui est en la Clementine *litteris in verbis fuisse narrauimus de Probationib.* en matieres de paroles enunciatives & narratiues *utrum super his intentio scribentis sit fundata, vel utrum sint de facto suo*, ne sert de rien en cest affaire: d'autant qu'il n'est pas en la puissance du collateur ny du collataire de changer la qualite d'un benefice.

Philippus Francus passe plus outre in d. cap. si Papa, quand il dict que *verba narratiua in aliqua dispositione prolata non principaliter propter se, sed incidenter non inducunt probationem narratorum, etiam si talia concedere deberet a potestate narrantis, quod ideo fit, quia natura narratorum est ut probentur, non autem ut probent.* Ce qui est confirmé per Ioan. Andr. & per Archid. in d. cap. si Papa, où ils tiennent que si Papa scripserit, *Eximimus vestras Ecclesias qua sumpserunt regulam sancti Augustini, quas hic duximus exprimendas, narratiua dicuntur illa verba, arg. tex. in can. hoc quippe. 3. quest. 6. & ideo ex Ecclesiis nulla probatur exempta, nisi probetur per eos quod assumpserunt regulam sancti Augustini.*

L'expression des qualitez se fait bien souuent en matieres beneficiales, pour fermer l'ouuerture d'un procez. Comme par forme d'exemple, quand il adient que l'on doute si un benefice est Cure ou Conuentuel, l'impetrant y met la qualite de Conuentuel ou de Cure, à fin que la faute de ceste expression ne done occasion à un procez & face accuser la prouision de quelque defectuosité.

Soubs la cotte H. de la production de Mesnard, il a produit un acte, par lequel il pretend verifier, qu'en l'annee 1526. l'administration dudit Prieuré fut commise à un nommé Adam, par la demission d'un nommé Viart. Mais ce n'est qu'une simple coppie, qui ne fait point de foy.

D'ailleurs il n'y a point de preuue, q ce nommé Adā en ait iamais iouy en vertu de ceste cōmissiō, ny qu'elle ait fortý effect, ou qu'en vertu d'icelle il ait seulement pris possession. Et la quittance produicte soubs la mesme cotte, ne peut de rien seruir: tum d'autant qu'elle n'est en forme authentique, & qu'elle est signee par des personnes incogneuës, & qui ne disent pas d'où ils sont, ny de quelle iurisdiction. *scilicet* à fin que Micheon ne se peust enquerir si l'y a eu des Notaires de ce nom, qui ayent peu passer ceste pretendüe quittance: tum aussi qu'il y a piece au procez, par laquelle il se iustifie qu'en l'annee 152. il y auoit un autre Prieur.

La demission n'est autre chose, qu'une resignation, qui n'a point acoustumé d'estre pratiquee en matiere de benefices manuels & reuoca-

bles, lesquels ne vaquent iamais que par mort & par reuocation. La resignation presuppõe vn benefice perpetuel & non reuocable.

Il produict aussi sous la cotte I. vne prouision, qu'il dict auoir esté expediee en faueur de feu Nicolas Fouquet, en laquelle les mots de manuel sont compris à la verité, mais c'est vne expression qui ne peut changer la verité, ainsi qu'il a esté dict cy dessus. D'ailleurs il ne se iustifie non plus que ledict Nicolas Fouquet en ait iouy.

En deux diuers endroiçs Mesnard a produict des pieces, par lesquelles il pretend verifier qu'en l'année 1565. ledict Fouquet a esté reuocé, & qu'en sa place vn nommé Breant a esté commis pour regir & administrer ledict Prieuré, *idque* en qualité de manuel & de reuocable *ad nutum*. Mais il est iustifié que tout celà estoit brassé par ledict Fouquet, à fin de trouuer quelque moyen d'oster la ferme dudit Prieuré à vn nommé Riout, auquel il l'auoit deliuree.

Qu'il soit ainsi, Micheon verifie par sa production, que Fouquet auoit baillé caution pour Breant, qu'il a payé l'amende pour luy, & que Breant luy a retrocedé. Et bref il iustifie que tout estoit fait par ledict Fouquet, pour oster ladiçte ferme de Riout. Et Mesnard ne scauroit monstrier que Breant en ait iamais iouy.

Il iustifie d'auantage, que nonobstant tout ce qu'il peut faire proposer de ceste pretendüe manualité, Riout a gaigné sa cause, sur ce qu'il soustint que le benefice estoit perpetuel. Et partant de dire que ces prouisions collusoires & feintes puissent rendre le Prieuré manuel contre l'auctorité de l'arrest donné au profit de Riout, il n'est pas raisonnable.

Et neantmoins ceste prouision faite à Breant iustifie, que ledict Prieuré n'est pas vne commission reuocable.

Primò, en ce que le Prieur de S. Barbe collateur admet & reçoit la dimission de Fouquet. Celà ne se fait iamais en commission reuocable, en laquelle il suffit de reuocer, ainsi qu'il a esté dict cy dessus.

Secundò, en ce qu'il confere ledict Prieuré, & que la collation est bien differente d'une simple commission.

Tertiò, d'autant qu'il permet que ces mots y ayent esté mis, *administrator prioratus, &c.* Et encores ceux-cy, *predicto suo prioratu*. Lesquels n'appartiennent qu'à vn benefice perpetuel, duquel les titulaires ne sont que simples administrateurs, & non pas à vn commissionnaire qui peut estre reuocé dès le lendemain.

Quartò, qu'il luy est conféré avec ceste clause, *quandiu in humanis tibi*

vita comes fuerit: laquelle n'appartient pareillement qu'à vn benefice perpetuel, duquel le titulaire ne se peut dire que simple administrateur, *quando uiuit*, & non pas à vne simple commission, qui ne peut estre perpetuelle.

Ad extremum, se voyant Mesnard destitué de preuue, il recourt aux coniectures, & dict que tous les prieurez de l'ordre de saint Augustin, qui ne sont pas cures sont manuels. Mais c'est vne maxime de Mesnard, & non pas du droit. Le texte qu'il allegue *in cap. cum ad monasteriū p. tales. De stat. monach.* porte ces mots: *nec alicui committatur obedientia perpetuò possidenda, tanquam in sua sibi vita locetur, sed cum oportuerit amoueri sine contradictione qualibet reuocetur*: Par lesquels il defend de bailler vne obedience à tiltre perpetuel. Mais qu'il ait iamais pensé que les prieurez simples de la regle de saint Augustin fussent manuels, c'est vne pure moquerie. Il ne parle de ceux de saint Augustin non plus que des autres.

Il est vray, que aucuns ont tenu que tous les prieurez reguliers sont manuels, *ex eo* que autrement & du temps de la primitive Eglise ils n'estoient pas en tiltre de benefices perpetuels. Mais en ce Royaume il seroit malaisé, voire impossible, de monstrier vn seul benefice manuel.

Mesme au propre fait duquel il s'agit entre les parties, & pour les prieurez simples qui dependent du prieuré conuentuel de sainte Barbe, & qui sont de l'ordre saint Augustin, Mesnard ne scauroit monstrier qu'il y en ait vn seul reuocable.

Pour mōstrer
que la Prieu-
ré de la Co-
chiere est
perpetuel.

Il se voit donc qu'il n'apporte aucune preuue de ceste pretendue manualité, mais pour monstrier au cōtraire que c'est vn benefice perpetuel, Micheon soustient.

Primò, qu'il a de son costé la cōmune vsance & pratique de ce Royaume, auquel tous les prieurez sont perpetuels, & ne s'en trouuera vn seul reuocable, Mesnard n'en scauroit dire vn seul.

Secundò, que la cōmune vsance & la nature des autres prieurez de sainte Barbe luy assiste: D'aurant qu'encores qu'il y en ait beaucoup de simples & sans aucune cure, Mesnard ne scauroit monstrier qu'il y en ait vn seul manuel.

Tertio, que à dire vray le Prieur de la Cochiere a esté anciennement curé primitif de deux paroisses, de la Cochiere & de la Roche, *adeo* qu'encore aujourd'huy il iouyst des dixmes d'icelles & en paye le gros aux cures: & que *ex eo* il est sans difficulté perpetuel par la disposition du texte *in cap. vn. de capel. monacho.*

L'accord

L'accord fait avec le curé de la Roche pour son gros & pour sa pension, est produit sous la cote de la production de Micheon: & les quittances du curé de la Cochiere & autres pieces concernant sa pension, sont produictes de nouveau.

Quarto, que par les pieces mesmes que Mesnard a produictes il appert, que ceux qu'il pretend en auoir esté pourueus par forme d'administration, l'ont resigné: ce qui n'auroit pas esté fait d'une simple commission.

Quinto, que les Prieurs dudit prieuré l'ont conseré *ad vitam*, & *quandiu vita comes fuerit*. Ce qui ne peut estre d'un prieuré manuel.

Sexto, que ceux qui en ont esté pourueuz, en ont iouy cōme de prieurez perpetuels, voire en qualité de Prieurs & Seigneurs par dix, vingt & vingt six annees, les vns plus & les autres moins, depuis deux cēs ans en ça, *idque nomine proprio*: Ce qu'ils n'eussent peu faire, s'il eust esté baillé en simple commission.

Septimo, que Fouquet mesme que les parties recognoissent en auoir esté le dernier titulaire & paisible possesseur, en a iouy plus de vingts quatre ans entiers.

Octauo, que Mesnard ne scauroit monstrier que iamais luy ny ses predecesseurs ayent reuouqué ceux qui ont iouy. C'est en cest acte seul que la manualité pouuoit estre remarquée: d'autant que si les Prieurs de sainte Barbe auoient iouy de ce droit de reuocation, il y auroit apparence de dire qu'il soit manuel. Mais n'en ayant iamais iouy, il est vray de dire qu'ils ne sont pas en possession de reuoker, ny conséquēment de ceste pretendue manualité.

Nono, que Riour a gaigné sa cause, & a esté conserué en la possession dudit prieuré en vertu de son bail, surce qu'il le maintenoit perpetuel, *idque* par vn arrest solennel donné en ladicte Cour de Parlement de Rouen, qui sert de preiugé en cest affaire.

Decimo, que tous les anciens tiltres qui concernent l'augmentation & dotation dudit prieuré, sont conceuz pour le Prieur de la Cochiere.

Vndecimo, que en qualité de benefice perpetuel distinct & separé, il a esté taxé aux decimes continuellement depuis l'annee 1500. iusques à present, qui sont quatre vingts tant d'annees.

Duodecimo, qu'en ceste mesme qualité il a esté taxé en l'alienation du domaine de l'Eglise, & qu'il y a eu vne bonne partie dudit domaine aliéné.

Decimotertio, que ledict Mesnard l'a ainsi recogneu par la prouision

que son Vicaire en a faiçte à Pimpernier, l'appellant Prieuré, & vſant de ces mots, *collatio, prouiſio & omnimoda alia diſpoſitio ad præſatum Dominum* de la Meſnardiere, &c. *ſpectat & pertinet. Et denuo* en ces mots, *Pleno iure contulimus, & de illo ſeu illa cum ſuis iuribus & pertinētiis ſuis vniuerſis prouidimus & prouidemus.* Celà ne ſe peut dire d'un benefice manuel. Quelle confeſſion peut on demander meilleure, que celle qui ſort de ſa bouche ?

Decimoquartò, que Meſnard a luy meſme pourſuiuy & faiçt expedier en Cour de Rome vne prouiſion dudit prieuré en qualité de perpetuel, ſoubs le nom de Boucheron, l'un de ſes Cuſtodinos. S'il n'eult ſçeu en ſa conſcience qu'il eſtoit de ceſte qualité, *atqui* eſt-ce qu'il eult faiçt expedier ceſte prouiſion l'ayant obtenue ? il eſt ſans doute qu'il a reconnu & confeſſé que ceſte qualité eſt veritable.

Decimo quintò, que le Pimpernier meſme & les Religieux du prieuré de ſaincte Barbe le reconnoiſſent perpetuel, par les miſſiues qu'ils ont eſcrites à Fouquer.

Tout celà eſt incompatible avec la qualité de manuel. Qui eſt cauſe que Micheon ſouſtient qu'il ne l'eſt pas, & que au contraire il eſt perpetuel. Et ſ'il ne peut apporter les prouiſions de ceux dont il produit les actes de iouyſſancer, c'eſt d'autant que Meſnard a le regiſtre des collations qu'il ne veut pas repreſenter, dedans lequel il ſeroit aiſé d'en trouver vn bon nombre.

Demeurant donc pour reſolu, que ledict prieuré n'eſt pas manuel, la prouiſion de Micheon eſt exemptte de toute defectuoſité pour ce regard.

Outre le faiçt de ladiçte pretendue manualité, Meſnard ſoubs le nom de Pimpernier, Mōfreart & Boucheron, accuſe la prouiſion de Micheon de trois autres defectuoſitez.

La premiere, qu'elle a eſté faiçte *à non collatore*, qui eſt l'Eueſque de Sees.

La ſeconde, que la permutation eſt frauduleuſe.

Et la troiſieſme, qu'il y a eu de la ſimonie & des paçtions illicites en ladite permutation.

Que la prouiſion de Pimpernier, eſt ambicieuſe, & ne vaut rien.

Micheon reſpond que toutes ces pretendues defectuoſitez ne peuvent de rien ſeruir à Pimpernier : D'autant que ores qu'elles fuſſent veritables, que non, il en eſt pourueu le 2. Mars. Et la prouiſion qu'il pretend eſtre nulle, & par la nullité de laquelle il ſe dit pourueu, eſt du 11.

du mois d'Auril subseqnent. Les dates iustificient que lors qu'il a esté pourueu, *nihil vacabat*. Et que pour ceste occasion *ambiit beneficium uiuentis*, qui l'en rend incapable à perpetuité *cap. 1. de concess. prabendæ*.

D'ailleurs il est accusé & conuaincu de la fausseté de la Chartre. Et en ce cas il doit estre priué de tout le droit par luy pretendu audit prieuré. L'ordonnance y est formelle, & conforme à la disposition de droit *in cap. ad falsarium. De crimine falsi*. Par lequel non seulement ceux qui fabriquent les pieces sont punis, mais aussi *qui falsis literis utuntur, & in l. in fraudem p. quotiens de iur. fisc.* où celuy qui *protulit falsum instrumentum, causa cadit*.

Et pour monstrier de quelle conscience est le Pimprenier, les missiues qu'il a signees avec les autres religieux, & qui ont esté enuoyees à Fouquet, iustificient qu'il s'est pariuré, ayant auparauant iuré qu'il ne luy auoit point escrit. Ce pariure le rend incapable au benefice.

Pour le regard de Monfreart & de Boucheron, ils n'ont aucune occasion de se plaindre de la collation de l'Euesque de Sees : d'autant qu'il a conferé *in refutum* du Prieur de S. Barbe. Et qu'en ce cas la collation de l'Euesque est bonne, *ut notat Frideric de sen. in tracta permutat. quæst. 29. & Docto. in Clem. vn. de permuta.*

Ex cap. nullus. Et ibi Panormitan. de iure patro. où il dict, que *in refutum Episcopi potest adiri Archiepiscopus, scilicet in locum inferioris superior.*

Imò celà est gardé *etiam in beneficiis quæ ab Abbatibus & monasteriis dependent, ut Episcopus suppleat negligentiam collatoris exempti.* Celà est textuairement décidé *in Clem. quia regulares. Et ibi glo. in verbo. locorum de supp. neglig. pralat.* A plus forte raison peut il conferer, quand le Monastere n'est pas exempt, ains *subest iurisdictioni Episcopali*, ainsi que le prieuré de sainte Barbe, *adeo que etiam en ce cas sans antremét s'adresser audict Prieur de sainte Barbe, & sans aucun refus de luy, la prouision de l'Euesque ex causa permutationis est bonne, cap. quæsitum est de rei permutat. glo. & Docto. in Clement. 1. de reb. Eccl. non alien.*

La seconde pretendue deffectuosité, que la permutation soit frauduleuse est fause sous la correction du conseil, & neantmoins elle est impertinente, d'autant que le benefice vacant, *ex causa permutationis* ne peut estre conferé à autre qu'à celuy qui permute, *cap. vn. de rei permutat. in 6. & vn Clem. vn. eod. tit.*

Si par le moyen d'une permutation frauduleuse on vouloit preuenir une prochaine vacation, il y auroit quelque apparence de disputer

s'il y a de la fraude ou non. Mais tout celà cessant en cest affaire, auquel on n'allegue point d'autre genre de vacation, la dispute de ceste pretendue fraude est inutile & vaine.

Contre la
pretendue
fraude.

Pour tout argument de fraude, Mesnard allegue l'inegalité des benefices: Mais il n'y en a point de preuve, & quand il y en auroit, que non, cest argument seul *nihil inducit, ut tradit late Panormit. in cap. 1. de Cler. non resid.*

Contre le fait
de la pretendue
simonie.

Et pour le regard de la troisieme, qu'il y ait eu de la simonie, ce fait est pareillement faux: d'autant qu'il n'y en a point eu. Et de fait lesdicts le Pimpnier, Monfreart & Boucheron ne le peuvent articuler, ains en parlent tant incertainement, qu'il n'est pas raisonnable de receuoir vn fait ainsi vague, incertain & confus.

Mesnard s'aduance à credit sous le nom desdits Custodinos, & se couure de sa conscience, comme s'il en auoit beaucoup. S'il en eust eu, il ne se fust tant oublié que de s'ayder de pieces faulses, & d'inuenter des faits pour calomnier vn homme de bien & de vertu, & duquel il n'a iamais receu que plaisir.

